

裨海八十四

漢書門類			
三	一	五	七
四	一	二	〇
〇	〇	〇	〇
冊	架	函	號

內閣文庫			
三	一	五	七
〇	〇	〇	〇
冊	架	函	號

內閣文庫	
番號	漢 3157
冊數	100( 84)
函號	370 44

隨隱漫錄 一之五  
山房隨筆






Kodak Gray Scale  
A 1 2 3 4 5 6 M 8 9 10 11 12 13 14 15 B 17 18 19



隨隱漫錄卷之一

宋臨川陳隨隱著

明會稽尚濬校



令製春秋贊云微顯闡幽三體五例嚴乎成言褒貶  
 一字周禮云肇建六典條章煥明萬世之則太平  
 之基日新云大哉盤銘日新其德一盟一思惟湯  
 是則自警言孳孳為善無怠講習心思唐虞聖道  
 可入又曰私既克理是從中則正公則平操則存  
 德日新鑑銘云湛然厥中惟正是守萬醜千妍於  
 我何有離卦贊云日月麗天德備中正明以繼明

聖而益聖良云兼山曰良德在知止君子體之思  
不出位晚望云鷗鷺歸烟渚秋江挾晚晴老漁閑  
艤艇坐待月華生賞春云珠簾翠幙千門曉麗日  
和風萬國春乍雨乍晴雖莫測無非天地發生仁  
社日雨云風催社日雨霏霏處處雞豚樂祀神見  
說豐年於此卜不妨墊濕社翁巾新涼云新涼燈  
火又相親遍閱羣書不厭勤緩視微吟真樂處那  
知宮漏夜將分授衣云從來人事順天時九月纔  
更卽授衣可咲索裘臨歲晚履霜猶自未知幾桂

云秋桂庭前霽影涼萬重深翠護深黃恭迎兩殿  
臨清賞壽斝濃浮月殿香恭和御製賜牟子才韻  
云視草詞臣地位高玉堂深夜許焚膏文華瑞世  
呈儀鳳顧問承恩直禁鼇喜有竒才追宋軾光膺  
聖製勝唐綯重修盛典熙朝事千古青編記寵褒  
題諸色扇面云履霜知地凍賞雪念民寒山嵐迷  
曉月海浪起晴雲鷺起蓮邊曉鷗棲蓼外涼西風  
歌翠蓋曉露浥紅裳艷紅酣霽圃冷翠媚秋池聲  
幽梧葉雨香冷菊花風院子供新茗園丁獻異花

穠華照水澄秋靜。冷艷欺風醉露涼。一枝翠葉凝  
秋色。萬粟金英噴古香。月篩穠影虛窓靜。秋染繁  
英淨。几香千葉喜容迎。曉日萬鈴黃色映朝霞。日  
麗柳塘鶯語滑。雨收桃岸燕飛忙。瞻棗堂帖子云  
歸仁由克已。學道在存心。堯舜傳心惟以一。禹湯  
受命本乎中。凝華殿云。帝德巍巍溫恭允塞。心傳  
精微。惟堯是則。觀瞻棗堂。凝華數帖子。必有如文中  
子窺高祖之心。於大風歌者。故敬錄之。

紫宸殿上壽三十三拜三舞蹈初面西立閣門進班

齊牌上升座鳴鞭禁衛起居移班北面躬身聽贊  
兩拜起直身搢笏三舞蹈跪左膝三叩頭出笏就  
一拜又兩拜躬身俟班首奏聖躬萬福再聽贊拜  
兩拜移班如初殿中監升殿詣酒尊所教坊起居  
殿侍進御茶床又北面躬身聽贊拜兩拜直身立  
上公升殿注酒詣御座前躬進俛伏致詞竝躬身  
俟上公降階復位聽贊拜兩拜起躬身俟樞密宣  
答聽贊拜兩拜移班如初上公升殿立御座東樂  
作上飲畢上公受盞降階復位北面躬身聽贊拜

兩拜舞蹈如初不該赴座官先退赴座官躬身聽  
樞密詣折檻東宣荅訖聽贊拜兩拜升階立席後  
俟進酒樂作上飲畢舍人贊各賜酒躬身聽贊拜  
兩拜起贊各就坐立如故復贊乃坐酒行先上公  
次百官搢笏執盞立席後躬身飲訖聽贊拜兩拜  
復坐食至搢笏執碟出笏再進酒如上禮三行舍  
人曰可起立席後俟上公御座前俛伏跪奏復位  
降階北面聽贊拜兩拜舞蹈如初鳴鞭捲班凡正  
旦朝賀一十九拜三舞蹈初面西立上升座閣門

起居班首以下躬身北面俟舍人宣名訖聽贊拜  
兩拜舞蹈如前禮躬身俟班首奏聖躬萬福聽贊  
拜兩拜起直身立俟樞密升殿班首出班俛伏致  
詞並躬身俟班首復位聽贊拜兩拜舞蹈如初起  
躬身俟樞密承旨詣折檻東稱有制兩拜起躬身  
俟樞密宣荅訖聽贊拜兩拜舞蹈如初凡冬至朝  
賀一十三拜一舞蹈初百官面西立儀仗以下起  
居知閣次之次讀奏自舍人宣班首以下起居稱  
賀北面躬身聽贊拜兩拜起舞蹈如初起躬身俟

班首奏聖躬萬福聽贊拜兩拜起直身立竢樞密  
升殿班首致詞密答如正旦禮凡朔望起居九拜  
一舞蹈初讀奏目知閣御帶行門以下常起居殿  
中侍御史大起居七拜百官躬身聽舍人宣班首  
名北面聽贊拜兩拜舞蹈如初不候贊兩拜班首  
不離位奏聖躬萬福躬身聽贊拜兩拜起躬身聽  
贊各祇候捲班凡上殿倫對初面西立舍人引北  
面躬身聽贊拜聲絕兩拜起躬身聽贊祇候直身  
立引稍前兩步再躬身聽贊拜兩拜起躬身聽贊

祇候面西立竢三省奏事退引升殿立東南角舍  
人前奏銜位姓名上殿因依引赴御座左側身立  
搯笏當殿未出笏叉手及橫執劄子爲失儀如有  
宣諭卽口奏云臣官不該殿上拜容臣奏事畢下  
殿謝恩奏事畢依舊路下殿北面不候贊兩拜隨  
班凡謝恩初面西立舍人奏姓名引北面贊拜兩  
拜出殿致詞歸位贊兩拜舞蹈聽贊祇候退凡朝  
辭面西立舍人奏姓名引北面贊兩拜不出班奏  
聖躬萬福又贊兩拜出班致詞復位又贊兩拜贊

好去如有賜物宜有勅卽搢笏舞蹈三拜凡賜茶引北面躬身奏聖躬萬福贊兩拜贊就坐升殿立席後再贊乃坐茶至搢笏出笏降階贊兩拜贊祇候退

夫子沒歷秦漢晉宋齊梁陳隋至明皇始封文宣王神宗欲加尊崇禮臣定議爲至神元聖帝而李邦直者獨曰周室稱王陪臣不當爲帝於是僅加玄聖二字異代尊崇何預於周果如所言則公亦不可封矣雖萬代帝王之師何假虛名而邦直之罪

所當筆誅又執筆以俟

夫子之徒三千一貫之道獨語曾子而曾子一唯幾到列聖處大學十章爲後世帝王治天下之律令格例潔矩卽忠恕也中庸一書彌綸天地參贊化育孔子之道益著而曾思位在弟子下度皇卽位首升侑食舉數千載未行之典爲億萬世將來之法度皇之聖至矣

西山蔡先生訓子曰夸之一字壞人終身凡念慮言語纔有夸心卽截斷却滿招損謙受益時乃天道

曰作事皆依本分屈已饒人終無悔吝錢穀與人  
交關頭頭讓人些少生事一切用柔道理之若識  
夢道理不做好人天地鬼神亦深惡之蓋不識好  
惡如童稚如醉人雖有罪可赦若知而故犯王法  
不可免也曰孝弟忠信不可須臾離若有分毫瞞  
人底心天地鬼神不恕也曰禍患中第一莫使性  
氣中外事一切靜柔順理之曰爲善得禍乃是爲  
善未熟爲惡得福乃是爲惡未深人事盡處方是  
天理曰欺世盜名者無後吾甚慎之

延平李先生靜坐正心以驗夫喜怒哀樂未發之前  
氣象爲何如火之而知天下之大本真有在乎是  
也若夫致虛極守靜篤不思善不思惡老佛亦同  
此理但有治世出世體用之不同耳

豹死留皮人死留名朝事梁暮事晉遺下兔園冊子  
耳此輩與一把箕子未知顛倒何益於君國可謂  
儻兒矣煮粥飯僧者都頭甚操刺六一公化俗  
語爲神奇者也

蕭蕭馬鳴靜中有動也悠悠旆旌動中有靜也見軍



整而靜也。昔我往矣，楊柳依依。今我來思，雨雪霏霏。寫物態，慰人情也。張文潛謂雞聲茅店月，人跡板橋霜，羈旅窮愁，想之在目。柳塘春水漫，花塢夕陽遲，春物融冶，人心和暢，言不能盡。張無垢謂雪消池館，初春後人倚闌干，欲暮時盡山之情意，物之容態，可入圖畫，皆彷彿三百篇之遺意歟。

杜少陵贈衛人處士一篇，又別倏逢曲盡人情，想而味之，宛然在目。下此則馬上相逢，久人中欲認難問，姓驚初見，稱名憶舊容，乍見翻疑夢，相悲各問。三年無愧前作，若戴叔倫之歲月不可問，山川何處來，青出於藍者也。

唐人詩工於下生字，走月逆行雲，芙蓉抱香死，笠卸晚峰陰，山雨慢琴絃，松涼夏健人，綠竹助秋聲，歲月換紅顏，石磴掃春雲，畫角赴邊愁，遠帆開浦烟，踈雨滴梧桐，字字穩帖不覺。

上謚百三十一，神聖賢文武成康獻懿元章釐景宣，明昭正敬恭莊肅穆戴翼襄烈桓威勇毅克壯圍，魏安定簡貞節白匡質靖真順思，考高顯和玄高。

光大英睿博憲堅孝忠惠德仁智慎禮義周敏信  
達寬理凱清直欽益良度類基慈齊深溫讓密厚  
純勤謙友祈廣淑儉靈榮厲比絜舒賁逸退訥悃  
述懋宜哲察通儀經庇協端休悅綽容確恒熙洽  
紹世果用之君親焉用之臣子焉中謚十四懷悼  
愍哀隱幽冲夷懼恩攜鄙愿傲用之閔傷焉用之  
無後者焉下謚六十五野夸譟伐荒煬戾刺虛蕩  
墨憊亢干褊專輕苛介暴虐悞悖凶慢忍毒惡殘  
異攘頑昏驕酗酒澆狂侈靡溺偽妄譴諂誣詐譎  
訥詭奸邪慝蠱危圯懦撓覆敗斃庇饕費用之蠻  
夷焉用之小人焉

太史梁傳昭子婦嘗得家餉牛肉以進昭曰食之則  
犯法告之則不可取而埋之宰牛之禁自梁已然  
或謂牢字從牛或謂牛土畜也與土宿同位真武  
爲北水神亦與土同位故不可食禍福恐人豈理  
也哉吳恕齋革帥江東時戒宰牛詩曰中和後五  
日袖香謁南臺田夫趁雨耕歡聲沸如雷老守視  
尔農服田亦勞哉有牛負犁者俄頃一週迴無牛

人代耕四夫盡力推四夫力雖疲不如一牛犁一  
牛當四夫功力大如斯農以牛爲命愛牛如愛兒  
愛兒惟恐傷殺牛何忍爲老守今奉勸戒之重戒  
之宰牛國有禁殺牛天所災留取黑牡丹年年待  
花開盧柳南却人送牛肉小簡云昔人亦珍此味  
所謂如享大牢是也然一犁春雨數町秋雲旣食  
其力又食其肉可乎余不忍敢請改命理語讀之

惻然

西山真先生點先君集中警句如關戶夜通月掬泉

朝飲星煖曝花巖日晴眠薛石烟地曠日難晚海  
寬天欲浮與子纔分手何人更賞心遊歸雲衲破  
定起石床温道至無偏黨心何有重輕萬事豈容  
人有意一春多被雨無情舉頭莫看王侯面失脚  
恐爲名利人千古留芳惟好句一時得意總微塵  
石湖歸途云人與西風結約來芙蓉花氣撲吟盃  
曲塘好處都行遍帶得一身秋色回城東看柳云  
翻煖爲寒一信風畫橋南北岸西東春歸楊柳無  
私意深淺青黃自不同上林歸鴉云夕陽鴉背歛

殘紅萬點飛歸傍帝宮。應是上林棲宿穩，可曾驚散月明中。友人官滿云：三年官滿冰霜潔，一日春回宇宙寬。曾向廳前種楊柳，綠陰留與後人看。東園書所見云：娉婷遊女步東園，曲徑相逢一少年。不肯比肩花下過，含羞却立海棠邊。苦吟云：水驛荒寒天正霜，夜深吟苦未成章。閉門不管庭前月，分付梅花自主張。蘇堤曉望云：荷邊清露襲人衣，風裏明蟾浴曉池。涼影潤香吟不得，手攀堤柳立多時。妾身恨不事英雄，果是英雄安有淚。初陽烘

霽途繁陰布幽林，山禽互嘲哢爲我流好音。傾耳須臾間已快，清冷心飛蓋何爲者。傲睨松之陰，翻然移他枝。餘弄不可尋，跋曰：學充而意廣，氣大而體不偏，用力於先聖之書，漫塘劉先生曰：觀其文詞，瞻旨遠，爲詩深於運思，使人嘉歎不足。習庵陳先生曰：僕莊騷而奴班馬，止堂黃先生曰：騷選唐宋，罔不究心。紫巘潘先生曰：出入於江西晚唐之間，而不墮於刻與率者也。惜端平以後所作諸老，不得見之吁。

有貨炒栗人坐亡無準秉炬云平生辟辟剝剝做盡  
萬千手脚今朝撒手便行這回炒得離殼隨隱拈  
云未敢相許

辛巳八月巳丑先君方外友清溪沅禪師坐亡遺偈  
云六十七年無法可說一片雲收澄潭皎月隨隱  
拈云年本無期法亦何說末後倒賊虛空着楔喫  
若遇波騰嶽立時且道月在什麼處

隨隱漫錄卷之一

隨隱漫錄卷之二

宋臨川陳隨隱著 明會稽商濬校

晉侯受玉隋內史過知其不能長世趙同獻狄俘于  
周不敬劉康公知其必有大咎晉侯見魯宣公不  
敬季文子知其不免卻錡來乞師將事不敬孟獻  
子知其不亡何爲成子受賑于社不敬劉康公知  
其不反齊高厚不敬士莊子知其不免齊侯衛侯  
不敬叔向知二君之必不免蔡侯不敬子產知其  
將死伯有不敬穆叔知其必有大咎不敬取禍如

響斯荅嗚呼毋不敬其堯舜禹湯文武周孔傳心  
之要法歟

王莽女爲平帝后帝崩莽不能強之下嫁漢兵燒未央宮后曰何面目見漢家赴火自死非特莽愧其女劉歆孔光之徒亦愧矣羊琇女惠風爲愍懷太子妃劉曜陷洛陽以賜其將喬厲仗劍大罵而死王夷甫諸人不愧乎劉禪降魏見蜀伎不悲有此間樂不思蜀之語孔明之子瞻孫尚戰死張飛之孫遵趙雲次子廣亦戰死北平王湛哭于昭烈廟

先殺妻子乃自殺魏以蜀宮人賜將士李昭儀不辱自殺禪不特愧于將士亦且愧于婦人矣

晉靈公不君患宣子驟諫使鉏麇賊之麇曰賊民之主不忠棄君之命不信觸槐而死宋高祖使張偉醜舊君偉曰醜君以求生不如死乃于道自飲而卒子曰有殺身以成仁無求生以害仁此之謂也東山之詩雨雪寒燠僕馬衣裳室家婚姻出於聖人之忠厚惻怛故能感人也楚子伐蕭師人多寒附而勉之皆如挾纊遂傳於蕭明日蕭潰亦窺見此

意曹操云行行日已遠人馬同時饑托其羣臣又  
愧其子愧其妾異哉

衛青少爲平陽公主馬前奴後貴顯公主擇配無踰  
青者卒歸之北齊後宮一裙之費至直萬疋周滅  
其國后妃以賣燭爲業南唐劉承勳窮奢極侈蓄  
妓樂數千一妓價數十萬教以藝又數十萬服飾  
稱之歸京乞食凍餒死軍卒楊杲宗爲丁晉公築  
第丁貶海上朝廷以第賜杲宗劉美善鍛金後貴  
顯賜上方器視刻工名多美所造嗚呼世事翻覆

徃徃如此惟德行文章照耀今古彼富貴者猶頓  
蝮醢鷄豈止空言徒苦民耳

閻樂引兵入望夷宮二世願得一郡爲王弗許願得  
爲萬戶侯弗許願與妻子爲黔首又弗許麾其兵  
進二世自殺懷帝爲劉聽青衣行酒愍帝執戟前  
導行酒執蓋俱不免遇害煬帝先殺其子索鳩不  
許自解練巾授令狐行達縊殺之全忠殺昭宗方  
醉卧遽起單衣遶柱走追而弑之晉王北遷自採  
木實草葉食之馮后陰令左右求毒藥欲與晉王

俱自殺不果。嗚呼！君天下得其道，則富有四海，失其道，求為匹夫而不得，況妻子乎！哀哉。

天子四學中辟雍，南成均，北上庠，東東序，西瞽宗。學書者就上庠，學舞者就東序，學樂者就成均。天子承師問道，養三老五更，則就辟雍。帝入東學，上親貴仁，入南學，上齒貴信，入西學。

亦太學

也。

書稱后稷播時百穀，周禮農貢九穀。晉志有八穀，孟子云樹藝五穀，百穀繁莫克知。九穀黍稷稻粱菽

大小豆麥麻八穀，卽詩之黍稷稻粱禾麻菽麥。獨五穀鄭註云黍稷菽麥麻，趙岐云黍稷菽麥稻，日用所急莫如稻。岐說為是。黃帝用黍制律，積六十四黍為圭，準之黍類，苜蓿差小，宜釀酒。杜預謂菽為豆。唐本草舊註云稷卽糝也。

青溪汪先生初筮長沙，出錫器歸舟，有錫熟水器，每對之不樂。妻楊氏曰：吾償其直而得之者，庸何傷？曰：居官不欲為器皿，奈何以是污我？楊命投之江中，始無愧色。蔡京當國，欲得知名士附已，以宗子



博士召力辭不就。或潛問其故。曰：吾異時不欲附  
姦臣傳耳。吁！士大夫能勤小物，故克此心也。享萬  
鍾必以義，不為束屈。特小小者爾。學犬吠村莊者，  
愧死無地。

孽臣姦驕為臊羯奴發也。奉賊稱臣為陳希烈等發  
也。死生堪羞為新君營救均垠及六等定罪發也。  
此元子書萬世綱常之法。陳所翁賦子道臣節云：  
銀旗金甲渡巴西，靈武城樓已萬幾。一扎只聞元  
帥命，五牋合待使臣歸。未聞請表更追表，且看黃

衣換紫衣。天性非由人，偽滅何緣尚。父結張妃六  
等勝如誅獨柳，二張縱活亦何顏。太師死後猶書  
法，水部刑章托頌間。最憶海青投樂器，絕憐甄濟  
隱青山。中興碑下姦臣懼，天道何嘗不好還。溪深  
毛寒壁立鬼怖，可不懼哉。

潘紫巘慨慕先隱集老子以下迄于宣靖可師者各  
為小傳。曰：幽人景範，周二十七附見者四。老聃尹  
喜、莊周、列禦寇、榮啟期、楚狂、接輿及妻長沮、桀溺、  
荷蓀、荷蕢、石門、晨門、顏回、閔損、曾參、原憲、公析哀。

漆雕開仲子及妻老萊子及妻公儀休披裘聞丘  
 顏躅段干木黔婁及妻鬼谷子兩漢二十七附見  
 者六魯二徵士龔勝彭城老父宋勝之莊遵李弘  
 鄭璞戴良向長禽慶王霸及妻逢萌莊光范丹高  
 鳳臺佟梁鴻孟光周燮黃憲洪直韓康陳留老父  
 魏栢徐穉姜肱及二弟申屠蟠郭泰張奉魏晉十  
 二附見者六管寧張璠胡昭王烈焦先皇甫謐及  
 子方回孫登董京郭文何琦孟陋汜毓徐苗翟湯  
 周邵湯子莊陶潛南朝至五代十九附見者七戴

遼劉凝之沈麟朱百牢孔顛郢野老尋陽漁父宗  
 測及宗人尚之從弟或之祖炳明僧紹阮孝緒劉  
 許及族允歆仲長子光王通衛大經張氲盧鴻一  
 張志和鄭遨王居巖張令問及弟允言及子立宋  
 十八附見者六戚司文宗翼陳搏傅霖楊朴李瀆  
 魏野及子閑邢郭林逋甄棲真劉海瞻張俞孔叟  
 高擇种放張堯許勃潘興嗣孫侔邵雍成都隱者  
 張舉劉臯凡百三十二人

漢書載淮南王安以叛自刑神仙傳以為安丹成上

昇鷄犬舐鼎亦得仙去。唐書紀張果自云我生堯丙子其貌寔年六七十未幾亦卒。神仙傳謂果生堯丙子二萬八千歲矣。堯卽位三十四年丙子至唐開元初才二千八百餘年。魯魚亥豕之誤明矣。不然孟子載文王之地百里。荅齊宣王則曰文王之囿方七十里。則民居者三十里耳。

會寧郡夫人昭儀王秋兒順安。俞修容新興。胡美人來陽。朱梅兒資陽。朱春兒高安。朱夏兒南平。朱端兒東陽。周冬兒順政。石潤兒高平。周賽兒通化。聞

潤兒潯陽。陳宜兒胡安化。沈咸寧。黃新平。皆上所幸也。初東宮以春夏秋冬四夫人直書閣爲最親。王能屬文爲尤親。雖鶴骨臞貌。但自上卽位後萬幾之暇。批荅畫聞式。克欽承。皆出其手。然則王非以色事主。度皇亦悅德者也。

庚申八月太子請兩殿。幸本宮清齋亭。賞芙蓉木犀。韶部頭陳昉兒捧牙板歌。尋覓一句。上曰愁悶之詞非所宜聽。顧太子曰可令陳藏一謨一卽景撰快活聲。聲慢先臣再拜承命。五進酒而成二進。

酒數十人已羣謳矣天顏大悅於本宮官屬文賜  
外特賜百疋兩詞曰澄空初霽暑退銀塘水壺鴈  
程寥漠天闕清芬何事早飄巖壑花神更裁麗質  
浪紅波一奩梳掠涼影裏弄素娥仙隊似曾相約  
閑把兩花商略開時候羞趁觀桃塔藥綠幙黃簾  
好頓膽瓶兒着年年粟金萬斛拒嚴霜綿絲圍幄  
秋富貴又何妨與民同樂明年四月九日儲皇生  
辰令述寶鼎兒俾本宮內人羣唱爲壽上稱得體  
詞曰虞絃清暑佳氣葱鬱非烟非霧人正在東闈

堂上分瑞祥輝騰翠渚奉玉竿總歡呼稱頌爭羨  
神光葆聚慶誕節彌生二佛接踵瑶池仙母最好  
英慧由天賦有仁慈寬厚襟宇每留念修身忱意  
博問謙勤親保傳染寶翰鎮規隨宸畫心授家傳  
有素更吟詠形容雅頌隱隱賡歌風度恩重漢殿  
傳觴宣付祝恭承天語對南薰初試宮院笙簫競  
舉但長願際昇平世萬載皇基因覩問寢日竢鷄  
鳴舞拜龍樓深處又明年賜未嘉郡夫人全氏爲  
太子妃錫宴畢子妃回宮令旨俾立成絳都春家

宴進酒詞曰晴春媚曉正禁苑乍煖鶯聲嬌小柳  
拂玉蘭花映朱簾韶光早熙朝多暇舒長晝慶聖  
主新頒飛詔貽謀恩重齊家有訓萬邦儀表偏稱  
宮闈歡笑釀和氣共結天香繚繞侍宴回車韶部  
將迎金蓮照鷄鳴警戒丁寧了但管取咸常同道  
東皇先報宜男已生瑞草若此者餘百篇史臣章  
采稱陳藏一長短句以清真之不可學老坡之可  
東宮應令含情托諷所謂曲終奏雅者耶沉香亭  
清平之調尚托汗青以傳藏一此詞合太史氏書

法宜牽聯得書

二十四班行門長入祇候殿前指揮左右班御龍直  
金鎗班銀鎗班散直散指揮骨朶直散祇候散都  
頭東一至五西一至二茶酒新舊四班招箭班殿  
直弓箭直弩直散直禁衛內殿直散鈞容直隨龍  
忠佐習馭直先是太祖自陳橋驛擁兵入覲長入  
祇候班喬陸二卒長率衆拒于南門乃入自北解  
衣折箭誓不殺咸義不臣自縊太祖親至直舍歎  
曰忠義孩兒賜廟曰忠義易班曰孩兒至今孩兒

班於帽子後垂頭髻二條粉青者爲世宗持服紅者賀太祖登極直舍正門護以黃羅傍穿小門出入旌忠也先臣奉勅撰二侯加封續紀云生而忠舍一身以立大節歿而神歷百世以顯威靈國家賴若而人扶持風化賴若而人激勵苗早賴若而人捍禦朝廷寵之美號邦人倚之微福豈他祠例論哉長入祗候班喬陸二侯忠義見於建隆之初福祉施於景定之後雨暘苗患禱輒應班首小臣陳桂等以狀聞於是忠義威烈之褒忠烈德義之

寵蓋所以廣解衣折箭之誓俾之與國同休者也宜刻堅珉以勸萬古皇帝以命臣藏一臣藏一再拜稽首而獻文曰太祖肇造曆數攸歸爾喬爾陸忠節不移誓永宥尔折箭解衣舍生取義廟食于茲後三百載愈顯靈威捍苗禦患福被髦倪爰錫徽號勸忠匪私服我休命永佑昌時

偶敗篋中得上每日賜太子玉食批數紙司膳內人所書也如酒醋白腰子三鮮筍炒鷓子烙潤鳩子燂石首魚土步辣羹海鹽蛇鮮煎三色鮮煎卧烏

鳩湖魚糊炒田鷄鷄人字焙腰子糊煨鮎魚蝻蟬  
簽鹿膊及浮助酒蠊江蚶青蝦辣羹燕魚乾燻鮓  
魚酒醋蹄酥片生豆腐百宜羹燥子煤白腰子酒  
煎羊二牲醋腦子清汁雜燻胡魚肚兒辣羹酒炊  
淮白魚之類嗚呼受天下之奉必先天下之憂不  
然素餐有愧不特是貴家之暴殄略舉一二如羊  
頭簽止取兩翼土步魚止取兩腮以蝻蟬爲簽爲  
餛飩爲棖瓮止取兩螯餘悉棄之地謂非貴人食  
有取之則曰若輩真狗子也噫其可一日不知菜

味哉

先君號藏一蓋取坡詩惟有王城最堪隱萬人如海  
一身藏之句夢窓吳先生文英爲度夷則商犯無  
射宮製玉京謠云蝶夢迷清曉萬里無家歲晚貂  
裘敝載取琴書長安閑看桃李爛繡錦人海花場  
任客燕飄零誰計春風裏香泥九陌文梁孤壘微  
吟怕有詩聲翳鏡慵看但小樓獨倚金屋千嬌從  
他鷓煖秋被蕙帳移煙雨孤山待對影落梅清泚  
終不似江上翠微流水

襄樊之圍食子爨骸權奸方怙權妬賢沉溺酒色論  
功周召粉飾太平楊奐判有一剪梅詞云襄樊四  
載弄干戈不見漁歌不見樵歌試問如今事若何  
金也消磨穀也消磨柘枝不用舞婆婆醜也能多  
惡也能多朱門日日買朱娥軍事如何民事如何  
雲間酒淡有作竹香子云浙右華亭物價廉平一道  
會買箇三升打開餅後滑辣光馨教君霎時飲霎  
時醉霎時醒聽得淵明說與劉伶這一餅約迭三  
斤君還不信把秤來秤有一斤水一斤餅嗚呼豈

隨知太羹玄酒之真味哉

宋臨川陳隨隱著 明會稽商濬校

孟卓駕出則軍繩輝御酒庫御廚祇候庫儀駕司御  
藥院從物前導驥驥院馬引從舍人內外諸司庫  
務官繼之前驅親從左右各二十一人控擺親從  
二百十四沿路喝贊舍人二文武左右各八都下  
親從如其數閣門宣贊捧駕頭於馬上乃

隨隱漫錄卷之一終



載弄干戈不見漁歌不見樵歌試問如今  
金也消磨穀也消磨柘枝不用舞婆娑醜也能多  
惡也能多朱門日日買朱娥軍事如何民事如何  
云開酒淡有作竹香子云浙右華亭物價廉平一道  
會買箇三升打開餅後滑辣尤馨教君霎時飲霎  
時醉霎時醒聽得滿口說與劉伶這一餅約迭三  
呖大羹之醕之真和結有一斤水一斤餅嗚呼豈

隨隱漫錄卷之三

宋臨川陳隨隱著 明會稽商濬校

孟享駕出則軍器庫御酒庫御廚祇候庫儀鸞司御  
藥院從物前導騏驥院馬引從舍人內外諸司庫  
務官繼之前驅親從左右各二十一人控攏親從  
三百十四沿路喝贊舍人二文武左右各八都下  
親從如其數閣門宣贊捧駕頭於馬上乃太祖卽  
位所坐香木爲之金飾四足隨其角前小偃織藤  
冒之至則迎駕者起居引駕主首左右各五人閣

門提點御史臺諸房副承直御椅子簿書官閣門  
祇候金鎗銀鎗招箭東一至五西一至二茶酒等  
班環衛御帶內等子道遙子御輦院官御燎子翰  
林司官閤門覺察宣贊二人殿侍五十二快行如  
上數而殺其二御馬數十院官隨之警蹕八人殿  
侍執從物者十人行門往來禁衛內編排三十人  
知閣步帥行於中御龍直執從物者八十人引駕  
長八人祇候左右班各二十人殿前指揮使如上  
數各殺其六親方圍子二百四十人內殿直御龍

直各二百崇政殿親從內外等子各如上數內等  
子十七人作內圍子王管殿司公事主管禁衛官  
押之燭籠兩行各六十人快行如初數行門二十  
四人擎輦六十人中仰天顏蓋二扇二挾輦殿前  
指揮使左右各二十四人內殿直如之挾輦御藥  
左右各二人插帶內外御帶倍上數帶御器械尙  
下官又倍之文武親從又各如前數篋一扇二左  
賢右戚乘馬從駕彈壓宮殿之行門以下舒腳幞  
頭大團花羅袍擊鞭編排小團花羅袍御龍直茶

酒等班紅地方勝練鵲纈羅衫各塗金束帶控攏  
御馬左右直執七宝素紅瑪瑙鞭各二擊硃紅水  
地戲珠龍杓子各一皂紗帽青地荷蓮纈羅衫塗  
金束帶文武親從貼錦帽紫宝相花大神衫銅革  
帶内外圍子皂紗帽紅地黄白獅子纈羅衫緋線  
羅背子塗金戲獅束帶前引從並姜牙帽三色纈  
衫銅帶親事官曲脚幘頭簇四金鷗袍塗金帶百  
官諸司並朝服阮秀實仰瞻聖駕詩云紫烟歛翠  
碧天長柳蔭旌旗午尚霜一朶彩雲擎瑞日光華

盡在舜衣裳僧必萬云輕塵不動馬蹄催警蹕聲  
中聖輦來漢代威儀周禮樂太平天子拜香回若  
恭謝駕回圍於子內作樂添教坊東西班各三十  
六人丞相以下皆簪花姜夔云六軍文武浩如雲  
花簇頭冠樣樣新惟有至尊渾不帶盡分春色賜  
羣臣萬數簪花滿御街聖人先自景靈回不知後  
面花多少但見紅雲冉冉來潘枋云輦路安排看  
駕廻千官花壓帽簷垂君王不輟憂勤念玉貌還  
如未插時鄧克中云輦路春風錦繡張裁紅剪綠

闕芬芳黃羅傘底瞻天表萬疊明霞捧太陽阮秀  
實云官花密映帽簷新誤蝶疑蜂逐去塵自是近  
臣偏得賜繡鞍扶上不勝春先臣云幸驟恭謝觀  
繁華馬上歸來戴御花老婦稚兒相顧問也頒春  
色到詩家

貞德秀草招安湖南草寇詔云自有天子至于今日  
未聞盜賊得以全軀弄潢池之兵諒非尔志烈崑  
崗之火亦豈余心上稱其得體姚勉述勅祭閻妃  
文曰五雲縹緲誰扣玉扃上怒曰朕雖不善未如

明皇之甚也姑蘇守臣進蠲應制程奎草批荅云  
新酒菊天惟其時矣上曰茅店酒旗語豈王言耶  
令陳箴一擬聞先臣援筆立成略曰內則黃中通  
理外則戈甲森然此卿出將入相文在中而橫行  
匈奴之象也上乃悅又承旨令述太乙宮明禋祈  
晴設醮青詞云我將我享爰有事于明堂載禱載  
祈肅致忱于楚帝上自改爲上帝楚邦昌逆號也  
凡代王言不可不謹

秦始皇諱政改正月爲端月漢宣帝諱荀改荀卿爲

孫卿明帝諱莊改莊光爲嚴光司馬氏諱昭改昭  
君爲明妃晉簡文母鄭太后諱阿春改春秋爲陽  
秋仍之非也

禮曰刑不上大夫以其近君也故不廉曰簞簞不節  
汙穢曰帷薄不修罷軟曰下官不職尚遷就爲之  
辭有大罪者聞命則北面自裁曰子大夫有過吾  
不忍加刑焉故淫者更絕纓盜者更賜酒而甚於  
耻戮唐家待士不用廉耻姜皎官三品且有功猶  
杖辱之况簿尉乎故神器屢搖蓋不養士氣於渾  
淪之中服其形而不服其心孟子曰君之視臣如  
犬馬則臣視君如寇讐此之謂也

先君會天下詩盟于通都隨隱纔十二三諸先生以  
孺子學詩可教而教以詩吳一齋石翁云大隱君  
家小隱君得名太半忌人聞秋窓吟共緜山月曉  
榻眠分華嶽雲鶯欲引雛先出谷馬纔生驥便離  
羣新詩却要多拈出突過郎罷張我軍杜北山汝  
能云父子名相繼如君又出奇乾坤鍾秀氣湖海  
誦新詩放鶴春風遠橫琴夜月遲未應隨大隱閑

過聖明時。劉雷垕彥朝云。坎止流行。只任天吟廬。  
新傍紫薇邊。夜窓低過官花月。曉巷深橫御柳烟。  
五字肯同餘子說。一燈親自乃翁傳。雖然不作功  
名念。却恐功名逼少年。景定癸亥特旨以布衣除  
東宮掌書。吟社賀詩數十。僅記五首。錢春塘舜選  
云。吟筆何須管用銀。日供譔述聖恩新。只今已脫  
凡塵去。便作金丹換骨人。夜泛孤舟載月船。靜搜  
吟料六橋邊。詩成上達宸聰了。流落人間到處傳。  
呂雪崖三餘云。青宮樓觀近堯階。班列屏風間坐

開人羨杜閒生。杜甫天教蘇題繼。蘇還馬歸禁苑。  
行邊柳鶴伴。平山隱處梅。我恨長鏡廟黃獨。兀年  
無計策衰頹。柳月礪桂孫云。鏤玉裁冰字字奇。少  
年親結九重知。君臣際遇榮千載。父子推敲冠一  
時。壘進楚蘭春。奏雅餅分陶菊夜。聯詩五雲樓近  
開黃道。金紫連班進赤墀。菊牕俞氏云。萬人海裏  
闢幽扉。欲學深居只布衣。不道內前車馬鬧。又催  
父子入宮闈。丙寅來歸江西名勝。又贈詩詞黃梅  
塘力敘云。詩在天地間。風清月明處。若爲深閉門。

而可覓佳句。夫君小元龍，豪氣隘區宇。青春發詩材，秀苗長膏雨。流水與行雲，吾不見滯住。乘月滌吟毫，玉椀三危露。超詣自透脫，悟在觀劍舞。入宮畫蛾眉，胡為眾女妬。君詩亦何憾，千載一時遇。向也詩道昌，吟聲喧禁籞。應制沉香亭，龍巾曾拭吐。今焉詩道厄，短筇策江路。悲嘯梁甫吟，佗僚離騷賦。浮雲時卷舒，睨此知出處。此其隨之義，大隱會境趣。天地梅，又春風緊。雪飛絮，一笠灞橋驢。吟且臨汝，得句從人傳。傳今亦傳古，要知是家傳。審

言以傳甫，傳之而又傳。衣鉢傳宗武，張溪居夔云。醞藉中涵廊，廟姿詩文都好見。宸批只蒙四字君，王寵蟣虱微臣不用題。周墊舟濟川，八聲甘州云。有乾坤清氣入詩脾，隨龍散神仙。蘸西湖和墨，長空為紙幾度詩。圓消得宮妃捧硯，夜燭照金蓮。試問隔屏坐誰後，誰先長是花香柳色。更風清月白吟入牋，天自霞觴誤覆。謫下玉皇邊，笑隨歸山中。隨隱且醉拚斗酒，寫新篇。天應近呼來時，後記上襟船。壬申秋留西湖半載，吳松壑大有餞行云。我

昔見君方成童長吉才華驚鉅公人間科第不屑  
 就直使聲名聞九重乃翁引上凝華殿子虛不待  
 他人薦入直來來凡幾年天上奇書盡曾見翩然  
 歸去大江西二疎父子還相隨故鄉分得雲水地  
 却喜不爽漁樵期春雨騎牛對烟草何如振衣隨  
 龍五雲表秋霜黃獨煨地爐何如馳峰犀筋食天  
 厨林間食葉抄詩句何如官妃捧硯揮毫處溪邊  
 照影着荷衣何如龍門應制奪錦時鈞天夢斷難  
 回顧浩然合在山中住金石臺前伴白雲六年不

踏西湖路今日重來發長吁恐看清平破草廬盡  
 拈書籍向人賣歸賣田園供荷鋤乃翁八十齒髮  
 落倚門待兒斜日薄孤山梅花帶不歸却喚扁舟  
 載童鶴俛仰之間倏三十稔吾翁諸老皆賦玉樓  
 西湖吟社各天一涯窮達一場春夢故記之

帶格三十二三品以上玉四品以上金餘並金塗銀錯班金塗銅笏頭一字王

執政兩府笏頭毬綾宰排方御仙花正侍郎知閣節使螺犀侍  
 郎訓武綵頭荔枝正任副使橫行毬路內侍海捷幕土剔梗荔枝  
 郎下親從柘枝快行太平花隨龍碎草茶酒師蠻人仙



犀牛寶甄行虎戲童寶相胡荻鳳子野馬雙鹿方

勝雲鶴坐神並班天王親事行獅行門行鹿御厨盤

鳳翰林司坊凹面教坊醉仙御龍獐鹿軍頭司儀鸞

韋忠不就張華之辟張象不為國忠之謁何其少也

以柳子厚之才而附叔文以蕭至忠之美而事韋

后何其多也此張無垢所謂貪冒之士如落穢溷

汗渠中如何使人敢近廉正之士如竹間清風露

氣灑灑襲人觀者已覺心目頓快况處其間哉

左傳之山鞠苧庚癸乎列女傳之食獵犬組羊裘荀

卿之六賦東方朔之蜥蜴皆隱記也今何謂之始

於揚修杜何獨以曹娥名耶

信菴先生開闢維揚時偶入教場取芟草二卒所帶

便袋題姓名懸梁間越兩月忽俾緝捕呼至亟命

釋縛飲以太白時回易庫納息錢二百袋一袋萬

瓶楮也俾各負一袋環行三匝曰能益乎曰能曰

汝等健兒當力戰取富貴用义袋中錢小篋僅藏

三十二楮豈不辱國呼盧百萬大丈夫事也且各

將兩袋去用用盡再來取高沙凱還人困馬疲悅

道旁假山令諸軍隨意負歸衆怒多棄於半途餘  
至畢秤石輕重價以銀而棄石于野其鼓舞駕御  
有賞徒木傲黥布罵趙將之風

手執黃庭上石臺竹陰掃月遍蒼苔欲從此處卽仙  
去玉立清風待鶴來趙十洲希彭詩趙君入仕四  
十年虛靜恬淡寂寞無爲除南雄守不赴丙寅九  
日別親友理家事端坐而逝遺偈曰六十二年皮  
袋放下了無罣礙青天明月一輪萬古道遙自在  
與前詩類達矣

壬戌秋儲君賜先臣記顏贊云文窺先漢詩到盛唐  
侍余左右知汝忠良王城雖大如海政恐一藏而  
不得藏也甲戌秋自贊云年方九秩開丹臉映碧  
眼習靜寸心安味窮百事懶由中以致和聞道亦  
非晚噫十年撰述幸隨龍二聖在天應默眷

紹定庚寅春汀寇入譙趙守竄殿司裨將胡斌領弱  
卒二百巷戰矢盡力拆易雙鐵鞭所殺尤衆死焉  
坐執雙鞭屢日不僵民賴其力多獲竄免守臣王  
坐聞于朝贈武節大夫賜廟額忠勇劉後村詩云

士各全軀命惟侯視死輕張巡鬚盡怒先軫面如  
生短刃猶梟寇空卷尚背城新祠簫鼓盛人敬此  
神明

四明倪君爽臨終賦夜行船詞云年少踈狂今已老  
筵席散雜劇打了生向空來死從空去有何喜有  
何煩惱說與無常二鬼道福亦不作禍亦不造地  
獄閻王天堂玉帝看你去那裏押到

葉靖逸紹翁贊洞賓像云燃吟髭劍在前心中月天  
上圓猶圖云醉薄苛撲蠅蛾主人家奈鼠何

林可山稱和靖七世孫不知和靖不娶已見梅聖俞  
序中矣姜石帚嘲之曰和靖當年不娶妻因何七  
世有孫兒若非鶴種并龍種定是瓜皮搭李皮石  
帚之詩特甚於郭崇韜李環之撾戒之

杭城外北新橋某翁枕流居焉門有蒲萄七架時旱  
翁勤灌溉獨盛宿架下以防盜忽二三鬼出水面  
賀得替曰明午方巾白衫自此而至者是也及期  
翁株坐以俟果有方巾白衫者大笑入水急救之  
是夕鬼詬曰吾經數十年剛得替而汝奪之吾將

殺汝取淤泥瓦礫亂擲翁悵懼而入又擊戶黎明  
蒲萄無子遺矣蓋盜詐鬼艤舟以載也噫移此智  
以遷善誰能禦之

史相生朝寺觀皆有厚饋獨無準獻偈云日月兩條  
燭須彌一炷香祝公千歲壽地久與天長史大喜  
隨隱拈云滿口道着

雲峰德師住撫之廣壽途遇時貴避不及有違言卽  
上堂別衆云澹然無累水雲僧去住分明葉樣輕  
十字街頭休作夢五湖依舊一枝藤隨隱拈云劄

得眼來白雲萬里

隨隱漫錄卷之三終

野鼎來日雲萬里

隨隱漫錄卷之四

宋臨川陳隨隱著 明會稽商濬校

楊慈湖簡題平江府太伯廟云三以天下讓先聖謂至德簡也拜廟下太息復太息三辭不難也太伯無人識胡為無德稱萬象妙無極或曰太伯之神無形體何故言象又言萬通大道者匪有匪無象即無萬即一一即萬尚不思而可言乎言即無言天地內外皆太伯人皆見之而不識馮深居去非贊云太伯之遠啟吳宇也其周之盛德耶顯哉不

陳隱漢金 卷四  
謀承哉丕烈維天有成命匪躬之責委而去之川  
逝河決孔子不云乎可謂至德也已矣虞仲隱居  
季札守節其流芳遺烈歟郡以吳隸禮遜維則  
古之大儒格物以爲學倫類通達謂之真知其次博  
物以爲聞敏識強記謂之多知真知者德性之知  
若顏子聞一知十子貢告往知來曾子致知子夏  
日知月無忘是也多知者見聞之知若子產汾神  
之對絳老疑年師曠知獲僑知之歲左史倚相能  
讀三墳五典八索九丘不能知祈招之詩而子革

能之祝陀誦載書於萇弘以長衛侯于盟是也真  
知者優入聖域回賜參商外無聞焉多知者非命  
世之英如子產游吉師曠叔向子革椒舉祝陀之  
外不能也後世真知者寂然多知者唯劉向而已  
春秋婦人有謚晉之聲子敬嬴之哀聲穆諸姜齊宋  
兩共姬此國君夫人之得謚者穆伯之妻敬姜此  
大夫妻之得謚者鄭武姜秦穆姬晉懷嬴衛之宣  
莊二姜宋威許穆晉悼此因國君之謚而名之者  
魯人哀此姜謂之哀姜此私謚也謚以表德婦人

以三從為德。夫之德即其德。故禮從夫。謚是以舜  
與言。滌汭。釐降之事。則二妃所觀之刑。可見。周誥  
著文武之烈。則大姒所嗣之音。可傳也。

傳曰。因生賜姓。胙土命氏。及字。謚官邑。六者而已。令  
推廣為十七類。一曰以國為氏。五帝之前有國者  
不稱國。以名為氏。所謂無懷氏。葛天氏。伏羲氏。燧  
人氏者也。神農。軒轅。雖曰炎帝。黃帝。猶以名為氏。  
至唐虞夏商周。而后以國為氏。諸侯亦然。魯衛齊  
宋之類是也。支庶稱氏。適他國則稱國。如宋公子

朝在韓則稱宋。朝衛公孫鞅。在秦則稱衛鞅。二曰  
以邑為氏。原以周邑而得氏。申以楚邑而得氏。魯  
有沂邑。因沂大夫相魯。而以沂相為氏。周有甘邑。  
因甘平公為王卿士。而以甘士為氏。三曰以鄉為  
氏。四曰以亭為氏。封建五等。降國為邑。邑有關內  
侯。鄉。侯。亭。侯。關內邑者。溫原。蘇毛。甘。樊。祭。尹之類  
是也。封於鄉者以鄉氏。封於亭者以亭氏。五曰以  
地為氏。居傅巖者為傅氏。徙稽山者為稽氏。主東  
蒙之祀者為東蒙氏。守橋山之塚者則為橋氏。形

氏因形班食於形門穎氏因考叔爲穎谷封人東門襄仲爲東門氏桐門右司爲桐門氏隱於甫里綺里者爲甫里氏綺里氏六日以姓爲氏姓之爲氏與地之爲氏皆因所居而命也得賜者爲姓不得賜者爲地居姚墟者賜以姚居羸瀆者賜以羸姬之得賜居於姬水姜之得賜居於姜水七日以字爲氏八日以名爲氏諸侯之子稱公子公子之子稱公孫公孫之子以王父字爲氏如鄭穆公之子曰公子駟其子曰公孫夏其孫則曰駟

帶駟乞宋威公之子曰公子目夷字子魚其子曰公孫友其孫曰魚菖魚石魯孝公之子曰公子展其子曰公孫夷伯其孫曰展無駭展禽鄭穆公之子曰公子豐其子曰公孫段其孫曰豐卷豐施天子之子亦然王子狐之後爲狐氏王子朝之後爲朝氏如公子遂之子曰公孫歸父字子家其後爲子家氏父字爲氏者也季孫鉏字子彌其後爲公鉏氏父名爲氏者也九日以次爲氏伯仲叔季之類是也十日以族爲氏族近於次者氏之別也孟



氏仲氏別兄弟也丁氏癸氏別先後也祖氏禰氏  
別上下也第五氏第八氏以同居別也孔氏子孔  
氏旗氏子旗氏字之別也軒氏軒轅氏熊氏熊相  
氏名之別也季氏之有季孫氏仲氏之有仲孫氏  
叔氏之有叔孫氏嫡庶之別也十一日以官爲氏  
太史太師司馬司空是也十二日以爵爲氏皇王  
公侯是也十三日以謚爲氏莊氏出於楚莊王康  
氏出於衛康公魯僖公宣公之後爲僖氏宣氏文  
武哀謬皆是也十四日以吉德爲氏趙衰人愛之

如冬日後爲冬日趙氏吉有賢人爲老成子後爲  
老成氏十五日以凶德爲氏英布被黥爲黥氏楊  
感梟首爲梟氏十六日以事爲氏夏侯氏遭有窮  
之難后潛方娠逃出自竇而生少康支孫以竇爲  
氏漢武帝認丞相田千秋乘小車出入省中後因  
以車爲氏十七日以技爲氏巫者之後爲巫氏以  
至卜氏匠氏豢龍御龍干將氏者亦莫不然三代  
之後姓氏混矣

梁冀不顧清河王蒜明德屬親而立蠡吳侯以爲富

貴可長保然族異者桓帝也郭崇韜知莊宗之嬖  
劉氏請立爲后中莊宗之欲結劉氏之援爲自安  
之計至深至厚然殺崇韜者劉氏也故君子守道  
德之正而禍福之變豈思慮所能及哉

高竦寮騎鸞引云夜騎白鶴出琳闕千萬仙官鏘珮  
玦雲雷貼妥過罡風左推日九右扶月一息瑤池  
翠水家阿母迎謁龍驅車青蛾彈絲玉妃酒折盡  
蟠桃紅玉花九天文人來問道大極之前天不老  
丹霞一炁玉虛宮寶笈繩金容探討井君沐浴波

五色洞房光芒上奔日天上傳呼六丁直星斗離  
闌礙鸞翼錢春唐紀夢云翠峰峩峩三十六寒泉  
落空響哀玉菴花石路勢縈紆玉闌干護修筠綠  
雪髯老人負紫瓢金絲麈尾搖相招紅螺酌酒湛  
湛碧坐倚蒼石吹洞簫孤鶴來傳天上詔老人挽  
余偕一到飄飄高舉凌青冥直過罡風履黃道祥  
光樓閣倚崢嶸神虎守關森衛兵雙闔朱扉忽微  
啟中有靈官來遠迎絳衣持斧立丹陛玉皇手中  
玉如意雲璈風瑟自宮商天聲清越非人世帝旁

青童傳帝宣文華宮中呼謫仙謫仙顧余笑且言  
子宜亟反來他年探懷贈我五色筆子當寶之慎  
勿失濃香氤氳迷帝所長揖老人下西廡身從日  
月上頭行俯視斗杓分子午雲氣相隨步武生過  
耳但覺松風鳴覺來握筆紀佳夢月明樓鼓擗三  
更毛吾竹釣夫云鳶飛魚躍鳧短鶴長各適其適  
孰尤彼蒼奈何人異於萬物身備乎五常學關乎  
經濟志效乎忠良乃使蝸蚓同槁乎土壤鴻鴈俱  
逐乎稻梁精神所著夢遊八荒浴銀河翻月之浪

熏旃檀帶露之香戴芙蓉九華之冠披雲錦五色  
之裳騎祥麟兮翳絲鳳攀若木兮拂扶桑直造乎  
玉皇香案之傍白虎守闕御劒芒熒惑執法齒髮  
張皇夔丘且列鴈行肅然鳴佩諧官商關張衛霍  
立兩廂相向盾甲明如霜千官拜起低復昂星輝  
霞彩難爲祥一人殿中立宣揚令臣奏事無恐惶  
臣愚幸覩天日光願拜短䟽裨毫芒讀罷帝親把  
袖藏曰汝所奏見未嘗政如藥性和溫良一一可  
以瘳民瘡又如百煉昆吾鋼用之國可無妖祥惜

哉無遇徒心傷。亟宜歸世朝。君王君王神聖今。禹  
湯勤求賢。雋食不遑。扶天大象親。提綱充庭至。寶  
皆琳琅。尚憐空谷遺。幽芳滿輪鶴。詔紛相望。賜汝  
紫綬黃金章。袞衣赤舄坐廟堂。燮調萬化躋時康。  
凌轢周漢超。虞唐賜主斧。鉞羽林鎗。專征不義誅。  
暴強火鈴霹靂杵。金剛攝伏百怪回。瀾狂載命玉  
女斟霞觴。賜汝天醞九霞漿。一飲盡蛇虺。藜藿腸令  
汝身貴家亦昌。不論中國蠻與羗。蟲魚草木皆春  
陽。天子萬壽永無疆。汝乘白雲來帝鄉。二十八宿

參翺翔。臣辭草茅不敢當。遂于稷契暨及斯。罡風  
滿路明月在床。皆不食烟火語。而鈞天尤富贍云。  
**魏明帝景初元年**徙長安銅人承露盤。盤折聲聞數  
十里。重不可致。留于霸城。大發卒鑄銅人二號。翁  
仲列坐司馬門外。抱獨先生命先人與錢菊友頴  
卽席以久字韻賦。翁仲菊友云。武皇騎龍朝帝后。  
露濕銅仙古苔繡。景初命名翁與仲。無復衣冠仍  
漢舊。栢圭大劔高嵯峨。不動如山嚴鎮守。豈知屹  
立司馬門。九鼎暗移司馬手。變遷陵谷亦何易。洛

陽塵埃一回首因嗟寵辱非可常世間何者爲長  
久君不見後來荆棘埋銅駝坐想失身橫隴畝先  
人云銅仙擎露秋風表珍重劉郎千萬壽老瞞攘  
鼎貽孫謀因逼此仙俱受垢仙寧折骨拒非招耻  
爲姦雄效奔走汚名翁仲俾司門口不能言心自  
否洛陽宮殿一灰飛天上此標獨長久君不見堂  
堂冠劍隱藤城萬古六丁驅鬼守先生跋云紹定  
壬辰九日抱獨山人徐逸觀陳藏一所作翁仲詩  
觀其命意布辭灼見魁鄉呼魄指寃俾受言獎如

在荆棘中流涕而話往事嗚呼如詩人忠憤之心  
隨事而見可勝歎哉因執筆惘悵而書

甲子六月六日昧爽福寧殿東西向列聖訓及讀書  
紀要各二匣凝華集一匣太子兩拜問安又兩拜  
云臣某職守東闈恩承南面近思問學謹葺韋編  
茲蓋伏遇爹爹皇帝陛下聖訓尊嚴師資妙選遂  
令謫見晉徹睿知臣下情無任瞻天望聖激切屏  
營之至兩拜摺笏舞三拜開匣各奉一冊以進兩  
拜云纂輯所聞編摩亦久慚非博學幸澈嚴宸陛

下教育歲深修爲日漸謹祈錫覽終賜玉成兩拜  
進疑華集云自幼習詩久承親訓僭編草藁恭進  
奠堦陛下勤於教子學乃知方仰冀聖慈錫之乙  
覽兩拜退本宮聖堂祈祝文云愚昧謝才勉強問  
學夙佩君親之訓垂二十年問安視膳之頃凡一  
語一言之教詔服膺弗失會集爲編目曰聖訓凡  
二百卷卜吉恭進惟神靈陰相之八日付史館賜  
詔云朕惟萬邦克正端自元良百世昭垂常存典  
則爰示宗嚴之訓以貽燕冀之謀期續心傳用冀

言教皇太子某天資旣淑學問益充凡平時丁寧  
告戒之辭悉見於躬行踐履之際復加編集以示  
鑑觀爰實契於朕心可永垂於世則庸加諭旨丕  
寓至懷九日起居畢致詞云頃集訓言獲遭乙覽  
登之史館獎以溫辭陛下道重傳心恩深教子敢  
不益加勉勵庸竭忠勤兩拜進詩云寵頒御墨十  
行新天錫光華被小臣家學傳心當謹守恩深何  
以報君親兩拜舞蹈退祝文云昨者告忱恭進聖  
訓果蒙默佑得激宸嚴君親悅怡宣付史館不惟

見某平日積習之功亦我皇上天縱之學修齊治  
平之道藏之石渠照耀今古佩服神追與此編相  
爲長久尚享

理宗御容自贊云身黃屋兮心太虛動節度兮靜恬  
愉肥瘠以天下兮不移夫厥居夫孰爲廣成子兮  
吾將問道於千歲之餘

獨恨太平無一事江南閑却老尚書蕭宰易恨爲幸  
雲山蒼蒼江水泱泱先生之德山高水長李泰伯  
易德爲風日斜奏罷長楊賦半山易爲奏賦長楊

罷白玉堂中曾草詔水晶宮裏近題詩韓子蒼易  
爲堂深宮冷晁無咎試交趾進象表云備法駕之  
前陳周益公易陳爲驅古詞云春歸也只消戴一  
朶茶蘼宇文元質易戴爲更皆一字師也

已卯冬訪欽雪巖于仰山相謝上堂云千里相尋慰  
寂寥未嫌風雪路迢迢廬山雖好且休去更撥寒  
爐話一宵明年九日訪珍南州于開元上堂云從  
上行不到處行取步步登高從上說不到處說取  
言言見諦白酒釀千家黃花開滿地噫嘻陶淵明

若知有今此世界終不執着東籬置拂子下座又明年

訪常竹塢于龜峰上堂云一藏一切藏錯隨隱隨

時隱錯靄靄春雲眼中金屑直饒并到帝王前總

是一團閑落索置拂子顧衆云還見麼這落索天將以夫

半為木鐸隨隱拈云鏗金戛玉則不無三大老同

一舌頭雖然多贊不如少罵

隨隱漫錄卷之四終

隨隱漫錄卷之五

宋臨川陳隨隱著 明會稽商濬校

春秋何始於魯隱公杜預謂平王東周之始王隱公

讓國之賢君非也桓公弑兄諸國無討賊者自平

主不能復父讐始此春秋之所以作也此春秋之

始於隱公也孔子作春秋而亂臣賊子懼惟孟子

知之

周公告二公曰我其弗辟我無以告我先王辟法也

當置管蔡于法辟避也居東以避之辟君也我若



有無君之心何以告我先王三說俱通必有能辨之者

齊桓公盟洮盟牡丘會鹹會淮兵車之會四莊十三年會北杏十四年會鄆十五年會鄆十六年盟幽二十七年盟幽會榿盟貫會陽穀首止甯毋葵丘衣裳之會十有一孔子但言九合諸侯不以兵車蓋北杏始圍霸初會鄆霸未成莊十五年再會鄆爲始傳曰復會焉齊始霸也

石駘仲卒無適子有庶子六人卜所以爲後者曰沐

浴佩玉則兆五人皆沐浴佩玉石祈子曰孰有執親之喪而沐浴佩玉者乎不沐浴佩玉石祈子兆齊大饑黔敖爲食於路以待餓者而食之有餓者蒙袂輯履貿貿然來黔敖左奉食右執飲曰嗟來食揚其目而視之曰予惟不食嗟來之食以至於斯也從而謝焉終不食而死於此見古人仁孝之理前一章疊四沐浴佩玉字而文不繁後一章省二餓者黔敖字而文愈簡又見古人敘事之法風以動之上之化下如風之鼓動萬物也雅者正也

天子齊正萬物也。頌者後王贊美祖宗之功德也。一國之事各不同，皆本於君，故即其教化之美而名以風。大雅固皆天子之事，鹿鳴嘉賓采芣王政之興，可以小言；至文王大明美則大矣，節彼南山正月諸詩，王政之廢，可以小言。至於板蕩壞則大矣，况遣戍復古，育材南征，不過指陳一事，至於受命明德，既醉守成，治則大矣，積小雅以成大雅，積風成雅，積雅成頌，故諸侯有風而無雅，天子有雅而無風。平王政令不行，黍離十詩不刺則閔不閔。

則思自降為風，德不文功不武，則不頌。魯特列國之風以美之也。

子畏於匡，厄於陳，蔡伐木於宋，削迹於衛，顏子一簞食一瓢飲，在陋巷，人不堪其憂，自古聖賢猶不免困厄，然處變如處常，平日見得義命透，故用舍行藏，惟我與爾，他弟子不能及。

原憲居貧，子貢連騎結駟過之，謂憲曰：夫子何病也？憲曰：無財謂之貧，道不行謂之病，憲貧也，非病也。此語政鍼子貢殖貨之膏肓。

秦下逐客之令李斯在逐中若不上書乞留終身布衣及其見留致位宰相父子俱戮政坐一書之故蓋斯因倉鼠興感見逐上書則其志在利祿也與趙高謀殺扶蘇立二世恐失利祿也一有患得患失之心故不免於大戮誠可以爲貪利祿者之戒孔明仕蜀子瞻孫尚死於忠義瑾仕吳子恪死於誅戮誕仕魏死於兵三諸葛皆豐之後分仕三國惟孔明從劉氏贍尚得其死合乎正當時龍虎狗之喻甚當

唐虞尚德夏尚功商尚老周尚親秦尚刑名西漢尚權謀東漢尚節義魏尚詞華晉尚清言周隋尚族望唐尚制度宋尚道理紀綱

董賢財物四十三萬萬梁冀財物三十餘萬萬郿塢金三萬斤銀九萬斤錦綺寶玩山積元載胡椒八百斛他物稱是終不免自殺剖棺燃臍塞襪果何所得哉

唐莊宗詔魏王殺蜀王衍一行人官人張居翰謂殺降不祥以詔傳殿柱楷改行爲家於是隨衍千餘

人皆獲免。漢高祖以李崧第賜宰蘇逢吉，併取其西京之田宅。崧子弟有怨言，逢吉誘人告崧與家僮二十人謀反，改二爲五，遂族其家。周太祖梟逢吉，適當崧被刑之所，壹字活千人，族一家，宜木一公有取於居翰也。

賈生獲罪于漢，投文汨羅，以乎屈原皮日休不用於唐，投文沅湘，以悼賈誼。賈之見讒似屈之忠，日休不用似賈之投閑，長沙洩其忠憤，可悲已。柳宗元恃叔文輩爲冰山，設爲天對，投文弔湘，有二子之才，無三閭之忠，寧不發屈賈之笑。

紹興初有獻鼎於行都，上賜白金三千兩，賜三茅觀高一尺三寸有咫，兩耳旁出三足，與首皆類牛腹，外周紋如篆籀，腹內篆銘曰維甲午八月丙寅帝若稽古肇宋鼎，審厥象作牛鼎，格于太室，從用享億萬寧神，休惟帝時寶萬世其末賴。乃宋孝武孝建元年八月二日肇作以享太室者，二十九年常州澄清觀先是隔湖有物湧出，波濤寺觀爭取之，莫能得。澄清試以香花迎之，則凌波而上，有唐廣

德二年九月戊午河東薛泚之銘曰上德願而鑄  
洪鐘仙聖祐而人天從霜朝聞而窈窕月夜聽而  
邕容蓮生花而清淨頂啣繞於盤龍響上聞於天  
外聲下徹於九重庶長空於鬼獄魔屏跡而潛蹤  
其象鐸其量勻不石不播不忤不鬱臍當其腹杵  
不臨唇重幾百鈞禁中日伺其鳴爲興繕節童行  
專任撞擊毋先時毋不及三暮錫以度牒聲澈九  
重之銘始驗觀亦有吳道子火星圖褚遂良書陰  
符經然皆出鐘鼎下

錢唐遊手數萬以騙局爲業初願納交或稱契家言  
鄉里族屬啗合稍稔邀至其家妻妾羅侍寶玩充  
案屋宇華麗好飲者與之沉酗同席或王府或朝  
士親屬或太學生狎戲喧呼或詐失錢物誣之倍  
償好遊者與之放恣衢陌或入豪家與有勢者共  
騙之好呼者或使之旁觀以金玉質襁遂易瓦礫  
訪之則封門矣或詐敗以誘之少則合謀傾其囊  
或竊彼物爲證索鏹其家變化如神如淨慈寺前  
瞽嫗揣骨聽聲知貴賤忽有虞侯一人荷轎八人

訪嫗曰某府娘子令請登轎至清河坊張家死帛鋪前少駐虞候謂鋪中曰娘子親買死帛數十端虞侯隨一卒荷歸取鏹七卒列坐鋪前候久不至二卒促之又不至二卒繼之少焉棄轎皆遁矣有富者揖一丐曰勿別尊叔二十年何以在此引歸沐浴更衣以叔事之丐者亦因以爲然義之同買死帛數十端曰叔留此我歸請償其直店翁訝其不來挾丐者物色之至其所則其人往矣有華衣冠者買死帛令僕荷歸授鏹開篋取鏹坐鋪候久

晚不來店翁隨歸入明慶寺如廁易僧帽裹僧衣以逃戴生貨藥觀者如堵有青囊腰纏者雖企足引領而兩手捧護甚至白衫者拾地芥啣刺其頸方引手抓則腰纏失矣有術士染銀爲藥先以水銀置鍋內雜投此藥水銀化烟去銀在其中或者欲傳之欺以藥盡重需市藥則墮其計矣殿步軍多貸鏹出戍令毋氏妻代領衣賜出庫卽貨以償債有少年高價買老嫗絹引令坐茶肆內曰候吾毋交易少焉復高價買一嫗絹引坐茶肆外指曰

內吾母也錢在母處取其絹又入附耳謂內嫗曰  
外吾母也錢在母處又取其絹出門莫知所之嗚  
呼盜賊姦宄臯陶明刑則治晉用士會盜奔于秦  
治之之法在上不在下

宋坦齋謂曹東畝曰君生來壽詩學江西曰興到何  
拘江浙然則四靈不足學歟曰靈詩如啖玉腴雖  
爽不飽江西詩如百寶頭羹充口適腹

陳子長韞守瑞陽用刑甚峻西山真公勉以詩曰粉  
省郎官出把麾故人何以贈箴規孔明仁恕真心  
法漢吏循良乃吏師聽訟莫嫌刀似筆愛民終見  
口成碑玉麟夜語如相問爲說如今兩髯絲與腴  
悅者異矣

有賦長相思詞云晴也行雨也行雨也行時不似晴  
天晴終快人名也成利也成利也成時不似名名  
成天下驚有心爲名名亦利也可警矣

王晉卿云海棠開後鷺子來時黃昏庭院劉招山云  
一般時節兩銷魂樓上黃昏馬上黃昏趙德麟云  
斷送一生憔悴能消幾箇黃昏

金聲玉振乃景鐘也。頂上有玉扣則金先鳴，玉終之高九尺。天子親擊以祠上帝，銘曰：德純懿兮舜文，繼躋壽域兮孰內外，薦上帝兮偉茲器，聲氣應兮同久視，貽子孫兮彌萬世。

裕齋馬樞密判臨安府榮邸解偷山賊，逼令重罪鞠之，乃拾墳山之墜松者，判云：松毛落地是草村人得之，是寶大王穩便解來，即時放了。

景定辛酉杭大饑，帥朝服請見榮王，求糴三百萬石，王不出。終日坐賓次，必得請乃退。是歲也，饑不爲

害

安晚鄭公私居青田府，庶食民稻，犬噬殺之。府囑守黥犬主幕官擬云：鹿雖帶牌，犬不識字，殺某氏之犬，償鄭府之鹿足矣。守從之。

浙右富人捨竹園于鄰寺，其子貧甚，取其笋，僧執爲盜，聞于官。守判云：當初捨園，指望福田，旣無福田，還他竹園。

嘗記殿司薦陣亡疏略云：虎頭食肉，彼何人斯；馬革裹屍，深負公等。戰河南，戰河北，毋忘此日之精忠。



出山東出山西再作明時之將相

陸放翁宿驛中見題壁云玉堦蟋蟀鬧清夜金井梧  
桐辭故枝一枕淒涼眠不得呼燈起作感秋詩放  
翁詢之驛卒女也遂納爲妾方餘半載夫人逐之  
妾賦卜笑子云只知眉上愁不識愁來路窓外有  
芭蕉陣陣黃昏雨曉起理殘粧整頓教愁去不合  
盡春山依舊留愁住

姑蘇女子沈清友能詩如晚天移棹泊垂虹閑倚蓬  
窓問釣翁爲底鱸魚低價賣年來朝市怕秋風得

風人之體詠漁父云起家紅蓼岸傳世綠蓑衣詠  
牧童云自便牛背穩却笑馬蹄忙得下字之工  
退之送窮文自謂怪怪奇奇毛穎傳雖稍怪然筆力  
已不及不知者以怪辭爲工疊字爲巧字理舛謬  
不暇顧則諉之曰自我作古又飾之曰周誥殷盤  
屈曲聱牙其實學力未充筆下澁滯僅足以誑聾  
瞽老泉先生曰風行水上渙非水之文也非風之  
文也二物者非能爲文而不能不爲文也惟退之  
得之

辛稼軒觴客滕王閣詩人胡時可通謁閤人辭焉呵  
詈愈甚辛使前日既稱詩人先賦滕王閣在佳句  
則預坐卽題云滕王高閣臨江渚衆大笑再書云  
帝子不來春已暮鶯啼紅樹柳搖風猶似當年舊  
歌舞迺相與宴而厚賜之范希文置酒郊樓聞哭  
聲悉撤飲器贈數喪之去不葬者忠厚可以戒薄俗  
稼軒視希文之事必優爲之

黃桂隱鵬飛以二絕送余遊廬山云天下廬山第一  
竒西風楚楚送行時吟白鹿書猶在非是遊山  
只愛詩曾從圖畫識廬山山好誰知畫亦難畫好  
不如詩好讀就煩詩筆畫來看其大父官南康故  
於圖畫識廬山四世祖以直道勁氣不偶於時有  
碧谿詩話行于世

玉荆叟住靈隱僧求掛搭不得一日五鼓又立方丈  
忽問云何方狗子甚處猫兒僧云某甲温州叟曰  
温州王小婆布針帶得來麼曰有入何不出去僧  
於叟脅下槌一拳叟以竹篦連打不止僧忽云打  
則任打祖師西來意未許你在叟曰如何是祖師

西來意。答云。五峰青更青。叟曰。便與掛搭。隨隱拈云。靈隱雖則方便。垂慈爭奈。這僧尚居門外。無準入室。問。倫斷橋云。近離甚處。答云天台。問云。曾見石橋麼。答云。踏斷了也。問云。踏斷後如何。答云。碧潭深萬丈。直下取魚歸。隨隱拈云。因。驀爾漁翁。輕舉棹。無端空谷裏。傳聲。

閻如以特旨奪靈隱寺菜園。建功德寺。住持冲癡絕。退院。示衆云。欲去不去。被去礙。欲住不住。被住礙。渾不礙。十洲三島。鶴乾坤。四海五湖。龍世界。隨隱拈云。長長。還有人看方丈也。無。

隨隱漫錄卷之五終

蘇云長身豈豈有人青史文也無

山房隨筆

元全愚蔣正子著

明會稽商濬校

辛稼軒帥浙東時晦菴南軒任倉憲使劉改之欲見  
 辛不納二公為之地云某日公燕至後筵便坐君  
 可來門者不納但喧爭之必可入既而改之如所  
 教門外果誼譁辛問故門者以告辛怒甚二公因  
 言改之豪傑也善賦詩可試納之改之至長揖公  
 問能詩乎曰能時方進羊腰腎羹辛命賦之改之  
 對寒甚願乞卮酒酒罷乞韻時飲酒手顫餘瀝流

於懷因以流字爲韻卽吟云拔毫已付管城子爛  
首曾封關內侯死後不知身外物也隨樽酒伴風  
流辛大喜命共嘗此羨終席而去厚餽焉席散南  
軒邀至公廨置酒語之曰先君魏公一生公忠爲  
國功厄於命來挽者竟無一篇得此意願君有作  
以發幽潛改之卽賦一絕云背水未成韓信陣明  
星已隕武侯軍平生一點不平氣化作祝融峰上  
雲南軒爲之墮淚今龍洲集中不見此二詩豈遺  
之邪又云稼軒守京口時大雪帥寮佐登多景樓  
改之敝衣曳履而前辛令賦雪以難字爲韻卽吟  
云功名有公平吳易貧賤無交訪戴難自此莫逆  
云

李公山節汾州人也端平中朱湛盧復之使北展覲  
八陵引李與王仲偕南李初任鄉郡節制司幹官  
後任西山倅時正倅陳三嶼松龍會寮友於多景  
樓賞楊妃菊令諸妓各持紙筆侍衆官請詩李江  
下後至酒一行起背手數步吟云命委馬嵬坡畔  
泥驚鬼飛上傲霜枝西風落日東籬下薄倖三郎

知不知辭至精切或至閣筆西山張倅芸憲有繡  
養娘者命蒼頭遞一羅帕與館人劉啓之童偶遺  
之於地芸憲責劉卽遣去劉作詩謝張云夜深榻  
鼓醉紅裙半世侯門熟稔聞自是東籬窺宋玉非  
關司馬挑文君蒼頭誤送香羅帕簧舌翻成貝錦  
文幸賴老成持定力一帆安穩過溪雲

李邦美過句容之村鄉見酒肆粉壁明潔題云青裙  
白面開挑菜茅舍竹籬踈元梅未及後聯店翁怒  
曰我以此壁爲人塗污去新之今雷又作俑也

遂不書有客續至問翁翁悔之一日李再過之翁  
請足成李笑取筆書云春事隔年無信息一聲啼  
鳥喚將來往來知音皆愛之

寶祐甲寅江東多虎有司行禳禳之典青詞末聯云  
雖曰寅年之足或有數存去其乙字之威尚祈神  
力蓋古詩有寅年足虎狼之句傳謂虎威如乙字  
對屬甚切

京口韓香除夜請客作桃符云有客如擒虎無錢請  
退之以其姓爲對也

直北某州有道君題壁一詩云徹夜西風撼破扉蕭  
條孤館一燈微家山回首二千里目斷山南無鴈  
飛

曾聞海上鐵斗膽猶見雲中金甲神乃陸樞密君實  
挽張郢州世傑詩也張公擁德祐景祥炎興於海  
上各擁兵南北岸一夕大風雨皆不利張覆舟而  
薨翌早獲屍棺殮焚化其膽如斗大而焚不化諸  
軍感慟忽雲中見金甲神人且云今天亡我關係  
不輕後身當出恢復矣此詩全篇不傳忠義英烈

雖亡尤耿耿也

僧本真號月湖半顛賦吳門上元云村翁看了上元  
歸正是西樓月落時誇道官衙好燈火不知渾爾  
點膏脂微聞於郡守吳退菴遂命住虎丘寺

有刺夏金吾貴云節樓高聳與雲平通國誰能有此  
榮一語淮西聞養老三更江上便抽兵不因賣國  
謀先定何事勤王詔不行縱有虎符高一丈到頭  
難免賊臣名人謂北兵既至許貴以淮西一道與  
之養老故戢兵不戰然宋當國者處置失宜力詔

貴及其子松上流策應又知正陽失利松已死不  
能無憾又俾受孫虎臣節制乃大不樂本無戰心  
况秋壑退師數十萬衆一鼓而潰夏雖勇健亦何  
爲哉

京口天慶觀王聶碧窻江西人嘗爲龍翔宮書記北  
朝赦至感而有詩云乾坤殺氣正沈沈又聽燕臺  
降德音萬口盡傳新詔好四朝誰念舊恩深分茅  
列土將軍志問舍求田老父心麗正押班猶昨日  
小臣無語淚霑襟又哀被虜婦云當年結髮在深

閨豈料人生有別離到底不知因色誤馬前猶自  
買胭脂又詠北婦云雙柳垂鬟別樣梳醉從馬上  
倩人扶江南有眼何曾見爭捲珠簾看鷓鴣觀中  
有趙太祖真容北來者見必拜聶因題其上云鳳  
表龍姿儼若新一回展卷一傷神天顏亦怪君非  
虜河北山東總舊君

梁棟隆吉題茅峯云杖藜絕頂窮追尋青山世界開  
嶠嶽碧雲庶斷天外眼春風先吹人間心大君升  
天寶劍化小龍入海明珠沈何人更守玄帝鼎有



山房隨筆 卷一 五  
客欲問秦皇金顛崖誰念受辛苦古洞未易尋幽  
深神光不破黑暗惱山鬼空作離騷吟安得長松  
撐日月華陽世界收層陰長嘯一聲下山去草木  
爲我留清音隆吉以戊辰登科任仁和尉老依元  
符宮宗師許道杞許甚禮之且賙其家梁好嘲罵  
衆道士惡之遂牋此詩告官以譏時逮捕金陵備  
嘗笞楚卒得免亦終不偶而殂

吳履齋開慶之變再入相四明士子上詩來則非邪  
抑是邪緣堤何必更行沙瑟當調處難膠柱棋到  
危時見作家公論有誰能着脚事機至此轉聲牙  
不如疊嶂雙溪下行對青山坐看花言者附賈似  
道描畫彈劾貶循州而殂饒州士熊某嘲之云近  
來西北又干戈獨立斜陽感慨多雷爲元城駭劫  
火天胡丁謂活鯨波九原難起先生死萬世其如  
公論何道過雕峯休插竹想逢宗老續長歌菊岩  
季苾祭以文曰潞公不能不疎溫公不能不毀趙  
忠簡不能不遷寇萊公不能不死爾民無福豈天  
奪之我士無祿豈天厭之嗚呼後世而無先生者

乎孰能志之後世而有先生者乎孰能待之

永嘉余德鄰宗文與聶碧窻奕棋余屢比有賣地仙丹者國手也余呼之至詒聶云某有僕能棋欲試數着不敢聶俾對枰連敗數局余自內以片紙書十字可憐道士碧不識地仙丹聶大笑曰吾固疑其不凡

三山林觀過年七歲嬉游市中以鬻詩自命或虧戲令詠轉矢氣云視之不見名曰希聽之不聞名曰夷不啻若自其口出人皆掩鼻而過之林曾試神

童科不甚達

三衢番中齋甲辰大魁文山宋瑞丙辰大魁中齋作相身享富貴三十年仕北為尚書文山纔登第丁父憂仕塗亦坎壈乙亥糾義兵勤王終以罔功患難中倚之為重雖名為相黃扉之貴萬鍾之奉無有也江西羅秋壹詩云鬻雪蘇郎受苦辛庾公作老北朝臣當年龍首黃扉客猶是衡門一樣人中齋物色將羅織之亟歸而免

薛制機言有賀自長沙移鎮南昌者啓云夜醉長沙

曉行湘水難教檣燕之留杜詩朝飛南浦暮捲西山  
來聽佩鸞之舞王勃又有賀除直祕閣依舊泔江制  
置司幹辦公事云望玉宇瓊樓之邃何似人間從  
綸巾羽扇之游依然江表上巳請客云三月三日  
長安水邊多麗人一觴一詠會稽山陰修禊事又  
云良辰美景賞心樂事四者難并崇山峻嶺茂林  
脩竹羣賢畢至姚橘洲尹臨安時吳履齋拜相姚  
語諸客作啓賀之商量起句彭晉叟云轉鴻鈞運  
紫極萬化一新自龍首到黃扉百年幾見

陳雲屋嘲翟兄之姓云失足如何躍無光耀不成若  
非身倚木爲權亦難行時翟館水南楊氏蓋嘲其  
倚楊也

莫兩山傷丁氏故基題一絕於太虛堂疎雨斑斑灑  
葉舟前山喚客作清游芳華消歇春歸後野草荒  
田一片愁文本心典淮郡瀟條之亡謝賈相啓中  
云人家如破寺十室九空太守若頭陀兩粥一飯  
蔣復軒鑷白髮詩云勸君休鑷鬢毛班鬢到班時已  
自難多少朱門少年子業風吹上北邙山

杜氏婦作北行詩江南幼女別鄉閭一似昭君遠嫁  
胡默默一身離故國區區千里逐狂夫慵拈簫管  
吹羌曲懶繫羅裙舞鷓鴣多少眼前悲泣事不如  
花柳舊江都此等多有戲作題之驛亭以爲美談  
許平仲衡學問文藝爲世所尊稱爲夫子人目爲許  
先生養志不仕有辭召命詩云一天雷雨誠堪畏  
千載風雲謾企思留取閑身卧田舍靜看蝴蝶挂  
蛛絲可以觀其志矣一號魯齋

張文簡雪詩銀簷不雨溜常滴玉樹無風花自開其

家集不收

盧梅坡詠梅開一花詩云昨夜花神有底忙先教踏  
白入南邦冷將雙眼窺春破肯把孤心受雪降樊  
弟得兄呼最長竹君取友嘆無雙試於月夜窻前  
看一在枝頭一在窻

杜善甫山東名士工詩文不屑仕進游嚴之相門嚴  
迺濟南望族善甫爲所敬重一日讒者間之情分  
浸乖杜謝以詩云高卧東窻興已成簾鉤無復挂  
冠聲十年恩愛淪肌髓只說嚴家好弟兄嚴悟非

其過款密如初時有掌兵官遠戍於外其妻宴客  
笙歌終夕善甫詩曰高燒銀燭照雲鬟沸耳笙歌  
徹夜闌不念征西人萬里玉關霜重鐵衣寒聞者  
快之有薦之於朝遂召之表謝不赴中二聯云俾  
獻言於乞言之際敢盡其忠若求仕於致仕之年  
恐無此理不能爲白居易漫法香山居士之名惟  
願學陸龜蒙拜賜江湖散人之號予分教漂陽一  
候士過求宿學舍士游山東甚久爲余道其辭甚  
多僅記此

揚煥然號關西夫子題孔子廟會見春風入杏壇奎  
文閣上獨凭欄淵源自古尊洙泗祖述何人似孟  
韓竹簡不隨秦火冷楷衣高倚魯城寒漂零踪跡  
千年後無分東家寄一簞又党懷英詩魯國遺踪  
隨渺茫獨餘林廟壓城荒梅梁映曙霞分影松牖  
回春月轉光老檜曾霑周雨露斷碑猶是漢文章  
不須更問傳家久秦岳參天汾水長党承安間人  
工篆書嘗作杏壇二字刻於祖庭

翟惠父詠鬼門關盤盤重險歷三塗慘慘陰靈怖萬

夫青海戰寇來守鑰黃塵行客過張弧西風古道  
悲羸馬落日荒山嘯老狐年少文人今白首小狷  
休苦笑揶揄惠父北人

閻子靜復至元間翰林學士後廉訪浙西有梅杖詩  
云凍盡西湖萬玉柯春風入手重摩挲較量龍竹  
能香否比並鳩藤柰白何聲破夢寒霜滿戶影隨  
詩瘦月橫坡只知功到調羹盡不道扶顛力更多  
元遺山好問裕之北方文雄也其妹爲女冠文而艷  
張平章當揆欲娶之使人囑裕之辭以可否在妹

妹以爲可則可張喜自往訪覘其所向至則方自  
手補天花板輟而迎之張詢近日所作應聲答曰  
補天段暫施張不許纖塵落畫堂寄語新來雙燕  
子移巢別處覓雕梁張悚然而出

劉山翁汝達漫塘幼子學問宏深文字典雅與客九  
日遊龍山以塵世難逢開口笑分韻翁得口字云  
縱步龍山顛放舟龍蕩口群然鴈鷺行雜之牛馬  
走我拙不能詩我病不能酒試問賞花人還有菊  
花否衆服其工諸信齋誦此

金國南遷後國浸弱不支又遷睢陽某后不肯播遷  
寧死於汴元遺山曰桃李深宮二十年更將顏色  
向誰憐人生只合梁園死金水河邊好墓田

至元戊寅己卯間有董恢者江陵人後居太原任丁  
角酒稅副使僦屋以居詩云白髮蒼頭一腐儒行  
無轍跡住無廬鄧林萬頃青青木肯爲鷓鴣借一  
株又翠閣朱樓鎖揜扉尋巢燕子不能歸落花吹  
泥東風雨遶遍芳簷無處依

漫塘先生與客燕坐指窗外櫻桃唯一實共以爲笑  
忽一客來訪自言能詩因命賦之云燒丹道士藥  
鑪空在費先生九轉功一粒丹砂尋不見曉來枝  
上弄春風衆咸喜之

周芝田浙人浪跡江湖道冠整服詩酒諧笑略無拘  
檢亦時出小戲以悅人而不知其能琴與詩也遇  
琴則一彈適興則吟一二句而不終篇嘗賦石上  
兩竹云淋漓滿腹藏春雨突兀半拳生曉雲亦自  
可人又草香花落後雲黑雨來時琴詩云膝上橫  
陳玉一枝此音唯獨此心知夜深斷送鶴先睡彈

到空山月落時

渡溪張復題雨竹圖云涓涓而淨森森而立孟宗倚  
之淚痕猶濕風竹圖云可屈者氣不屈者節故人  
之來盡掃秋月皆有思致

趙靜齋淮被執於溧陽豐登莊至北府辭家廟云祖  
父有功王室德澤霑及子孫今淮計窮被執誓以  
一死報君刀鋸置之不問萬折忠義常存急告先  
靈速引庶幾不辱家門卽登棹船發至瓜洲被刑  
無有敢埋其屍者有一寵姬在焦僉省處此姬啓

僉省云趙四知府今日已死矣妾元是他婢子望  
相公以妾之故許妾將屍焚化也是相公一段陰  
騭事焦許之乃作一棺焚之又啓收骨撒之於水  
亦從之遂以裙盛骨殖到江邊大慟投江而死又  
聞其孫享祭靜齋降筆云生居四代將門家不幸  
遭逢被虜拏死在瓜洲無葬地幽魂夜夜到長沙  
其兄水壺潛自京口遷金陵北兵至棄家而遁南  
徙不返死葬海旁山上

吳門有吏娶一娼燕客歌舞徹旦明日犯事決配九



江與婦泣別登舟盧梅坡詩云昨夜笙歌燕畫樓  
明朝揮淚送行舟當初嫁作商人婦無此江頭一

段愁

一戶曹之妻與太守有私府學一士子知其事戶曹  
任滿將去守招其夫婦飲士子作祝英臺近付妓  
令歌之抱琵琶臨別語把酒淚如洗似恁春時倉  
卒去何意牡丹恰則開園荼蘼斯勾便下得一帆  
千里好無謂復道明日行呵如何戀得你一葉船  
兒休要更沈醉後梅子青時楊花飛絮側耳聽喜

鵲理守與此婦俱墮淚其夫不悟

靈隱寺主僧元肇號淮海寺有松大數十圍史相當  
軸遣人伐松松與月波亭相對僧作詩云大夫去  
作棟梁材無復清陰覆綠苔惆悵月波亭上望夜  
深惟見鶴歸來

穆陵在御閭貴妃父良臣起香火功德院欲勝靈竺  
乃伐鄰松供屋材僧作詩曰不爲栽松種茯苓祇  
緣山色四時青老僧不惜携將去留與西湖作畫  
屏詩徹於上遂命勿伐又山中有寺基久圯勢家

規其地營葬僧亦有詩刺之一定空山已有年不  
須惆悵起頽磚道旁多少麒麟塚轉眼無人送紙  
錢遂不復取

吉州羅西林集近詩刊一士囊詩及門一童橫卧棖  
闌間良久喚童起曰將見汝主人求刊詩童曰請  
先與我一觀我以為可則為公達客怪之曰汝欲  
觀吾詩汝必能吟請賦一詩當示汝童請題客曰  
但以汝適來睡起搔首意為之童即吟曰夢跨青  
鸞上碧虛不知身世是華胥起來搔首渾無事啼

鳥一聲春雨餘客駭伏同入見西林款之數日取  
其菊詩云不逐春風桃李妍秋風收拾短籬邊如  
何枝上金無數不與淵明當酒錢童乃羅之子也  
南康建昌縣有神童山每大比試童子至百人七取  
其一有鄧文龍年八歲穎出諸童子右方岳巨山  
守南康欲祝為子父謂之曰汝予所鍾愛太守固  
欲祝汝將若何文龍曰弟許之巨山一日招諸名  
士如馮紫山深居兄弟者而鄧父子與焉席上太  
守及諸公祇服褶子文龍以綠袍居座末坐定供

茶文龍故以托子墮地諸公戲以失禮文龍曰先生  
生袂衣學生落托衆爲一笑酒酣巨山戲曰口紅  
衣綠如鸚鵡文龍應曰頭白形烏似老鴉又令賦  
君子竹卽詠曰瀟湘子猷宅平將風月分兩軒渾  
似我一日可無君衆異之後易名元觀年十五領  
鄉薦登上第

僧德豐三山人有重陽詩云戰盡今秋見太平西風  
多作北風聲不吹烏帽吹氈帽籬下黃花笑不成  
鍾山長老舉以自代荅云耿耿孤吟對古梅忽傳

軍將送書來倚崖枯木摧殘甚虛負陽和到一回  
竟不赴

賈秋壑敗師亡國後有人刺以詩曰深院無人草已  
荒漆屏金字尚輝煌祇知事去身宜去豈料人亡  
國亦亡理考發身端自有鄭人應夢果何祥卧龍  
不肯留渠任空使晴光滿畫墻又云事到窮時計  
亦窮此行難倚鄂州功木綿菴上千年恨秋壑堂  
中一夢空石砌苔稠猿步月松庭葉落鳥呼風客來  
未用多惆悵試向吳山望故宮又傷西樓詩云檀

板歌殘陌上花過墻荆棘刺簷牙指麾已失鐵如意賜與寧存玉辟邪破屋春歸無主燕壞池雨產有官蛙木綿菴外尤愁絕月黑夜深聞鬼車有人和云榮華富貴等浮花鬻力難爲國爪牙漢世祗知光擁立唐朝誰識杞姦邪綺羅化作春風蝶絃管翻成夜雨蛙縱有清漳人百死碧天難挽紫雲車秋壑出處本末自有知者茲不書

秋壑在朝有術者言平章不利姓鄭之人因此每有此姓爲官者多困抑之武學生鄭虎臣登科輒以罪配之後遇赦得還秋壑喪師陳靜觀諸公欲置之死地遂尋其本日極仇者監押虎臣遂請身爲之乃假以武功大夫押其行虎臣一路凌辱至瀘州木綿菴病泄瀉踞虎子欲絕虎臣知其服腦子求死乃云好教作只恁地死遂趨數下而殂

庚申履齋吳相循州安置以賈似道私憾之故未幾除承節郎劉宗申知循州劉江湖士專以口舌嚇迫當路要人貨賄官爵士大夫畏其口姑厚餽彌縫其得官亦由此守循之際似道欲其殺吳相宗


申至郡所以拮據履齋者無所不至隨行吏僕以  
次並亡或謂置毒所居井中故飲水者皆患足軟  
而死履齋亦不免似道遭鄭虎臣之辱其時趙介  
如守漳賈門下客也宴虎臣於公舍如欲客似道  
似道不可以讓虎臣口口稱天使惟謹虎臣不荅  
似道遂坐於下介如察其有殺賈意命館人啓鄭  
且以辭挑之於時似道衣服飲食皆為鄭減抑介  
如作錦衣等餽之見其行李輜重令截寄其處伺  
得命放回日取之其館人語鄭云天使今日押使

至此度必無生理局若令速殞免受許多苦惱鄭  
卽云便是這物事受得這苦欲死而不死未幾遂  
殞趙往哭鄭不許趙固爭鄭怒云汝欲檢我邪趙  
云汝也直得一檢然未如之何趙經紀棺歛且致  
祭其辭云嗚呼履齋死循死於宗申先生死閩死  
於虎臣嗚呼云云祇此四句然哀激之愀無往不  
復之微意悉寫其中季一山闡為郡學正為予道  
之

似道敗後有題其養樂園曰老壑曾居葛嶺西游人

誰敢問蘇堤勢將覆餗不回首事到出師方噬臍  
廢圃久無人作王敗垣唯有客留題筭來祗有孤  
山耐依舊梅花片月低養樂者以其奉母而樂也  
其賜第正在蘇堤葛嶺孤山之近游人常感自賈  
據此有游騎過其門必為偵事者察報每為所羅  
織有官者被黜有財者被禍逮世變而後已有人  
葛嶺二詩云當年誰敢此經過相國門前衛士多  
諸葛功名猶未滿周公事業竟如何雕梁雨蠹藏  
狐鼠花礎雲蒸長薜蘿萬死莫酬亡國恨空留遺

跡在山阿又樓臺突兀妓成圍正是襄樊失援時  
王氣暗隨檀板歇江聲流入玉簫悲姓名不在功  
臣傳家廟徒存御賜碑誤國誤民還自誤滿庭秋  
草露垂垂



山房隨筆終

川左記

卷一

三

昔梅花片月俱養身者以主本女而歸也

其地第正在蘇堤葛嶺孤山之近游入當居自

據此有游騎過其門必為請事者察報每為所

草露垂垂被黜有財者被禍速世變而後已有人

且軒家南卦奇嶙巖巖豔固豔男影自豔滿與然

王康部劇蘇林旭工贊燕人王蕭悲鼓各不亦也

相并山阿又豔臺突入鼓如圍五具襄樊夫豔湖

